

Scéalta COVID-19

Ceist 1

Beidh tú ag féachaint ar ball ar thuairisc faoi scéalta COVID-19. Féach ar an mír den chéad uair agus déan liosta de na scéalta dearfacha ar fad a luaitear inti. Cuir do liosta i gcomparáid le ceann an duine in aice leat.



Ceist 2

An féidir leat féin agus an duine in aice leat Gaeilge a chur ar na focail agus na frásaí seo? Bhí siad le cloisteáil sa mhír.

- | | |
|----------------------|-------|
| bracing for | _____ |
| time, occasion | _____ |
| task force | _____ |
| level 5 restrictions | _____ |
| will be slackened | _____ |
| spokesperson | _____ |
| their experience | _____ |
| under debate | _____ |
| on a phased basis | _____ |
| immunology | _____ |
| suppress the virus | _____ |

Féach ar an tuairisc arís le feiceáil an raibh an ceart agaibh.

Ceist 3

Féach ar an tuairisc arís agus cum ceisteanna fúithi le cur ar an duine in aice leat.

Ceist 4

'...maolófar...'

- A. Bhí a lán samplaí den aimsir fháistineach sa mhír. Cad iad? Féach ar an tuairisc arís más gá.
- B. Bain úsáid as na briathra: *oscail, pléigh, dáil agus maolaigh* chun na rialacha a bhaineann leis an aimsir fháistineach a chur in iúl.

Ceist 5 ‘...úsáid a bhaint as...’

Tá a lán briathra frásacha (*phrasal verbs*) i nGaeilge. Cad é an réamhfhocal simplí a théann leis na briathra seo thíos? Cuir in abairtí iad chun a mbrí a léiriú.

beir
caith
cuidigh
cuir
cuir suas
éirigh
éist
iarr
tabhair
teip

Ceist 6 Pléigh na ceisteanna seo leis an duine in aice leat, nó le do ghrúpa.

1. Conas a bheidh Nollaig na bliana seo difriúil ó bhlianta eile?
2. An mbeidh tú féin ag siopadóireacht ar líne i mbliana? Cén fáth?
3. Conas a mhothaíonn tú le linn na dianghlasála?

Treoracha agus Freagraí

Ceist 1

Plé atá i gceist leis an gceist seo. Mar shampla:

- Siopaí ag oscailt.
- Srianta leibhéal a cúig le maolú.
- Níl sé i gceist srianta níos déine a thabhairt isteach roimh an Nollaig.
- Tá tacaíocht ar fáil do dhaoine óga ar #antiviral.
- Beidh vacsaín ar fáil an bhliain seo chugainn.

Ceist 2

bracing for	<i>ag fáil faoi réir le</i>
time, occasion	<i>tráth</i>
task force	<i>tascfhórsa</i>
level 5 restrictions	<i>srianta leibhéal a cúig</i>
will be slackened	<i>maolófar</i>
spokesperson	<i>urlabhraí</i>
their experience	<i>a dtaithe</i>
under debate	<i>faoi chaibidil</i>
on a phased basis	<i>ar bhonn céimneach</i>
immunology	<i>imdhíoneolaíocht</i>
suppress the virus	<i>an víreas a bhrú faoi chois</i>

Ceist 3

Mar shampla:

- Cén fáth a n-osclofar miondíoltóirí amárach?
- Cad a phléigh tascfhórsa an rialtais?
- Cé chomh fada is a bhí srianta leibhéal a cúig i bhfeidhm?
- Cad a dúirt an tAire Sláinte?
- Cad a tharla ag an bpreasócaid?
- Cad a bhí le rá ag Paul Moynagh?
- Cén fáth ar luadh Tuaisceart Éireann sa mhír?

Ceist 4

- A. A maolófar, a dháilfear, go dtiocfaidh, a mhaolófar, a chuirfear, go mbeifear, go nglacfaidh.
- B. Na briathra san aimsir fháistineach:

<p>Oscail osclóidh mé osclóidh tú osclóidh sé/sí osclóimid osclóidh sibh osclóidh siad</p> <p>an osclóidh tú? ní osclóidh</p> <p>osclófar an osclófar? ní osclófar</p>	<p>Pléigh pléifidh mé pléifidh tú pléifidh sé/sí pléifimid pléifidh sibh pléifidh siad</p> <p>an bpléifidh siad? ní phléifidh</p> <p>pléifear an bpléifear? ní phléifear</p>
<p>Dáil dáiilfidh mé dáiilfidh tú dáiilfidh sé/sí</p>	<p>Maolaigh maolóidh mé maolóidh tú maolóidh sé/sí</p>

dáilfimid dáiilfidh sibh dáiilfidh siad	maolóimid maolóidh sibh maolóidh siad
an ndáiilfidh sé? ní dháiilfidh	an maolóidh sí? ní mhaolóidh
dáiilfear an ndáiilfear? ní dháiilfear	maolófar an maolófar ní mhaolófar

Ceist 5

- beir ar *catch*
- caith le *treat*
- cuidigh le *help*
- cuir as do *annoy*
- cuir faoi *live*
- cuir suas le *put up with*
- éirigh as *retire, quit, give up*
- éirigh le *succeed*
- éist le *listen to*
- iarr ar *ask*
- tabhair faoi *approach*
- teip ar *fail*

Ceist 6

Is féidir gach beirt a chur ag déanamh an phlé seo agus ansin cuid de na ceistanna a phlé leis an rang iomlán.

Eimear Ní Chonaola

Tá siopaí agus graithí¹ na tíre ag fáil faoi réir lena gcuid doirse a oscailt arís amárach, tráth a maolófar srianta leibhéal a cúig tar éis sé seachtaine. Inniu phléigh tascfhórsa an rialtais ar vacsaíní mar a dháilfear vacsaín COVID-19 ar an bpobal.

Peadar Mac Gaoithín

Tá gnónnaí² ar fud na tíre ag súil lena ndoirse a oscailt arís amárach i ndiaidh dóibh a bheith druidte ar feadh sé seachtaine anois faoi shrianta leibhéal a cúig. Meastar go dtiocfaidh ardú ar chásanna COVID-19 arís nuair a mhaolófar srianta don Nollaig, ach tá sé tugtha le fios ag an Aire Sláinte nach bhfuil sé i gceist srianta níos déine a thabhairt isteach arís roimh an Nollaig mura dtagann ardú ollmhór ar chásanna.

Ag preasócáid ar maidin, thug urlabhraí rialtais le fios go bhfuil feachtas úr tosaithe le deis a thabhairt do dhaoine óga, atá buailte go holc ag srianta COVID-19, a dtaithe a chur in iúl. Dúirt an rúnaí cunta i Roinn an Taoisigh, Liz Canavan, gur féidir le daoine a gcuid scéalta a roinnt trí úsáid a bhaint as an haischlib #antiviral ar leithéidí Facebook, Instagram, YouTube agus TikTok.

Tháinig tascfhórsa vacsaíne an rialtais le chéile inniu den dara huair agus pleananna faoi chaibidil go fóill acu faoi mar a chuirfear vacsaín do Covid-19 ar fáil ar fud na tíre ar bhonn céimneach.

Dúirt Ollamh le hIománaíocht in Ollscoil Mhá Nuad go gcaithfeadh idir 60% agus 70% den phobal vacsaín a fháil le go mbeifear ábalta an víreas a bhrú faoi chois. Ar RTÉ Raidió 1 ar maidin dúirt an tOllamh Paul Moynagh, go nglacfaidh sé ar a laghad roinnt míonna an vacsaín a chur ar fáil go forleathan ach go gcreideann sé gur chóir go mbeadh dul chun cinn maith déanta faoi mhí Aibreáin nó mí na Bealtaine seo chugainn.

290 cás úr den víreas atá deimhnithe i dTuaisceart Éireann le ceithre huair is fichead anuas agus tá an Roinn Sláinte ansin curtha ar an eolas faoi dheich mbás eile a raibh baint ag an víreas leo.

Peadar Mac Gaoithín, Nuacht TG4

¹ gnóthaí an leagan caighdeánach

² gnóthaí an leagan caighdeánach